



Mynediad

< **Taflen y Tiwtor** >

Trafod Jig-so

Perthynas â Chyrsiau CBAC

Cwrs Mynediad CBAC. Bydd yr ymarfer hwn yn addas ar ôl Uned 8.

Dull

Pastiwch y llun ar ddarn o gerdyn a thorrwch y llun ar hyd y llinellau. Mae chwe darn i gyd. Bydd isio dwy set o gardiau os oes hyd at 12 yn y dosbarth a thair set os oes hyd at 18 yn y dosbarth.

Pwrpas y gweithgarwch yw casglu gwybodaeth am y darn cyfan trwy ofyn cwestiynau. Argymhellir defnyddio'r rhain ond mae modd amrywio.

Be' sy yn y llun?

Mae ... yn y llun

Mae hanner ... yn y llun

Oes 'na ... yn y llun?

Oes 'na hanner ... yn y llun

Be' mae o'n wneud?

Be' mae hi'n wneud?

Be' maen nhw'n wneud?

Dylai pawb grwydro a gofyn cwestiynau i bawb arall. Ni ddylai unrhyw aelod ddangos ei gerdyn i neb arall. Y gamp yw casglu gwybodaeth am yr hyn sydd yn y 5 darn arall trwy drafod a gwneud nodiadau ar ddarn o bapur.

Ar ddiwedd y gweithgarwch, dylai'r tiwtor gasglu'r darnau ynghyd a threfnu i bawb fynd i grwpiau o 3-5. Dylai'r dysgwyr ddefnyddio'r nodiadau i geisio ailgreu'r llun cyfan ar ddarn o bapur trwy drafod. Ar y diwedd, dylid rhoi cyfle iddynt weld y llun gwreiddiol.

Argymhellir sicrhau bod y dosbarth yn gyfarwydd â'r geiriau hyn cyn dechrau:

cusanu

rhedeg

mynd â'r ci am dro

chwarae pêl-droed

gwthio pram

reidio beic

eistedd ar sofa

gyrru car

teithio mewn bws

yfed cwrw



Mynediad

< Taflen y Myfyrwyr >

Trafod Jig-so

